

rantibus minùs perspici possit: in utriusq; tamen eventu tanquam in ramis & fructu, facile dignosci potest. Videas etenim puerum illum quem dixi, & infima & abjectissima vitæ conditione, atq; adeò ex carceris fœtore, sapientiæ suæ ergò, ad regnum seu principatum attolli: cùm delyrus ille rex è regio folio in pistrinum aut carcerem, aliàmve ignominia plenam vitæ conditionem, detruditur & deturbatur.

*VER. II. Vidi omnes viventes qui ambulant sub sole: adjuvantes se puero illi secundo qui staturus est loco hujus.*

Deinde utcunq; rex sapiat, & subditis moderate præsit: animadverti tamen (in omnes orbis partes animi oculos circumferens) subditos prope omnes, refrigerato erga præsentem Regem studio, ad gratiam hæredis aut succelloris captandam animum studiosè adjicere.

*VER. III. Non esse finem ulli populo: de ullo qui præsit ipsis etiam posteros non letaturos esse: nam hoc quoq; vanitas est & afflictio spiritus.*

Et certè plebs ferè omnis ita ingenio comparata est, ut nunquam in principibus qui regnum occupant, & Reipublicæ gubernacula tractant, acquiescere norit. Sicut enim eos qui olim vixerunt, Regum antecessorum fastidium cepit: sic & posteritas hæredem

dem